

## Wien, Österreichische Nationalbibliothek (ÖNB), Cod. 762

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

509

## P A T R I S T O I C I .

510

*simul aperto in coitu misceatur; quae verba sunt Fulgentii L. II. c. 4. Poenam igitur talionis hic luit, qui eodem modo non pauca transcripsit ex Hygino. Unde cetera sua corraserit Noster Fulgentio in Graecis haud felicior, ignoro. Interim fortasse tamen meruisse ab Auguſt. van Staveren Audorib. Mythographis lat. Lugd. Bat. 1742. 4. addi.*

CCLXXXI.

R. 60 Codex membraneus lat. Sec. XV. Folior. 208. f. perquam nitide scriptus, etiam si Graeca species, purpura distinctus, et litera cujusque Libri prima eleganter deaurata et picturata complectitur. *L. Caecil. Firm. Laetantii Divinarum Institutionum Libros VII. praecedentibus de Autore judiciis Augustini et Hieronymi, et praefixo singulis Libris Capitum Elencho, nec non adstituta in margine locorum graecorum interpretatione, et quibusdam observationibus, ut adeo adparatu pluribus Editionibus non inferior. Titulus purpureus L. I. sic habet: L. Coelij Firmiani Laetantii Divinarum Institutionum Liber Primus. Initium: Magno et excellenti ingenio viri cum se dobring &c. Ita et reliqui Libri usque ad VII. finem: quod ipse promisit a Domino consequamur; cum Edit. Paris. 1748. 4. etiam lectione plurimum conspirant, nisi quod Graeca quibusdam locis minus sana sunt. In Praef. ubi Edita habent: Erant illi quidem veritatis cognitione dignissimi, legit*

Noster a prima manu: *Erant quidam illius ueritatis &c. non prorsus ἀλογως; neque tamen in amplissimis licet curis Brunii et Lengleti varietatem hanc inveni. Codicem Florentiae in elegantissimum Sec. XV. Απογεαφω Patria exaratum fuisse et manus suadet, et, qui p. 1. notatus est, Possefor Julius Landus, cuius fol. 3. etiam comparent Insignia. Quis vero is duorum Juliorum sit, quorum J. B. Donius in Libraria sua Venet. 1580. p. 24. 12. meminit, illene, quem familiarem Hippolyti Medicis Card. et Scriptorem della Formaggiata et Vita d' Esopo facit, an Comes ille, quem delle Attioni morali tractasse testatur, ignoro.*

CCLXXXII.

Codex chartaceus lat. Sec. XV. R. 66 Folior. 78. 4. min. currente calamo, sed sat nitido scriptus, manu Felicis Feliciani Veronensis, ut habes fol. 41. primis utriusque Traictatus paginis charactere unciali diversicolore exaratis, et a. 1642. emtus a Christoph. Corrado Senicensi continet: I. L. Caecil. Firm. Laetantii Librum de Ira Dei ad Donatum. Praeit Elenchus Capp. XXIII. Initium est: *Animaduerti saepe Donate plurimos id existimare &c. Finis: et nunquam uereamur iratum. Textus sat correctus; diversam saltem lectionem jam Editores Parisini 1748. T. II. adnotarunt. Loca graecorum Autorum latina solum versione minio scripta repraesentantur; C. tam-*